

御定全唐诗

全唐詩目 第八函

第九冊

李商隱 三卷

全唐詩

李商隱

李商隱字義山懷州河內人令狐楚帥河陽奇其文使與諸子游楚徙天平宣武皆表署巡官開成二年高鏐知貢舉令狐綯維善鏐獎譽甚力故擢進士第調弘農尉以忤觀察使罷去尋復官又試拔萃中選王茂元鎮河陽愛其才表掌書記以子妻之得侍御史茂元死來游京師久不調更依桂管觀察使鄭亞府爲判官亞謫循州商隱從之凡三年乃歸茂元與亞皆李德裕所善綯以商隱爲忘家恩謝不通京兆尹盧弘正表爲府參軍典笺奏綯當國商隱歸窮自解綯憾不置弘正鎖徐

州表爲掌書記久之還朝復于絢乃補太學博士柳仲
郢節度劍南東川辟判官檢校工部員外郎府罷客榮
陽卒商隱初爲文瑰邁奇古及在令狐楚府楚本工章
奏因授其學商隱儷偶長短而繅縛過之時溫廷筠段
成式俱用是相誇號三十六體樊南甲集二十卷乙集
二十卷玉溪生詩三卷今合編詩三卷

錦瑟

錦瑟無端五十絃一絃一柱思華年莊生曉夢迷蝴蝶
望帝春心託杜鵑滄海月明珠有淚藍田日暖玉生煙
此情可待成追憶只是當時已惘然

重過聖女祠

白石巖扉碧蘚滋上清淪

一作論

謫得歸遲一春夢雨常飄

瓦盡日靈風不滿旗萼綠華來無定所杜蘭香去未移
時玉郎曾此通仙籍憶向天階問紫芝

寄羅劭興

一作與

棠棣黃花發忘憂碧葉齊人閑微病酒燕重遠兼泥混
沌何由鑿青冥未有梯高陽舊徒侶時復一相攜

令狐舍人說昨夜西掖翫月因戲贈

昨夜玉輪明傳聞近太清涼波衝碧玉曉暈落金莖露
索秦宮井

一作穿

風紗漢殿箏幾時絲竹頌擬薦子虛名

崔處士

真人塞其內夫子入於機未肯投竿起惟歡負米歸雪

中東郭履堂上老萊衣讀遍先賢傳如君事者稀

自喜

自喜蝸牛舍兼容燕子巢綠筠遺粉籜紅藥綻香苞虎
過遙知穿魚來且佐庖慢行成醕酎鄰壁有松醪

題僧壁

捨生求道有前蹤乞腦剗身結願重大去便應欺栗顆
小來兼可隱針鋒蚌胎未一作永滿思新桂琥珀初成憶舊
松若信貝多真實語三生同聽一樓鐘

霜月

初聞征雁已無蟬百尺樓高

一作南

水接天青女素娥俱耐

冷月中霜裏鬪嬋娟

異俗二首

原注時從事嶺南

鬼瘡朝朝避春寒夜夜添未驚雷破柱不報水齊簷虎
箭侵膚毒魚鉤刺骨鉅鳥言成謀訴一作詐多是恨彤幃一作襜褕
戶盡懸秦網家多事越巫未曾容獺祭只是縱猪都點
對連鰲餌搜求縛虎符質生兼事鬼不信有洪爐

歸墅

行李踰南極旬時到舊鄉楚芝應徧紫鄧橘未全黃渠
濁村春急旗高社酒香故山歸夢喜先入讀書堂

商於

商於朝雨霽歸路有秋光背塢猿收果投巖麝退香建
瓚真得勢橫戟豈能當割地張餞詐謀身綺季長清渠

州外月黃葉廟前霜今日看雲意依依入帝鄉

和孫朴韋蟾孔雀詠

此去三梁遠今來萬里攜西施因網得秦客被花迷可
在青鸚鵡非關碧野雞約睂憐翠羽刮目一作膜想金籠瘴

氣籠飛遠蠻花向坐低輕於趙皇后貴極楚懸黎都護
矜羅幕佳人炫繡袿屏風臨燭釵捍撥倚香臍舊思牽
雲葉新愁待雪泥愛堪通夢寐畫得不端倪地錦排蒼
雁簾釘鏤白犀曙霞星斗外涼月露盤西妬好休誇舞
經寒且少啼紅樓三十級穩穩上丹梯

人欲

人欲天從竟不疑莫言圓蓋便無私秦中已久烏頭白

却是君王未備知

華山題王母祠

蓮華峰下鎖雕梁此去瑤池地共長
好爲麻姑到東海勸栽黃竹莫栽桑

華清宮

天寶六載改驪山
溫泉宮曰華清宮

華清恩幸古無倫猶恐蛾眉不勝人
未免被他褒女一作氏笑只教天子暫蒙塵

楚澤

夕陽歸路後霜野物聲乾集鳥翻
漁艇殘虹一作紅拂馬鞍劉楨元抱病
虞寄數辭官白紵經年卷西來及一作又早寒

蟬

本以高難飽徒勞恨費聲五更疎欲斷一樹碧無情薄
宦梗猶汎故園蕪已平煩君最相警我亦舉家清

江亭散席循柳路吟

歸官舍

春詠敢輕裁銜辭入半杯已遭江映柳更被雪藏梅寡
和真徒爾殷憂動卽來從詩得何報惟感一作看二毛催

潭州

潭州官舍暮樓空今古無端入望中湘淚淺深滋竹色
楚歌重疊怨蘭叢陶公戰艦空灘雨賈傅承塵破廟風
目斷故園人不至松醪一醉與誰同

贈劉司戶

黃

江風吹

一作揚

浪動雲根重碗危檣白日昏已斷燕鴻初起

勢更驚騷客後歸魂漢廷急詔一作召誰先入楚路高歌自
欲翻萬里相逢歡復泣鳳巢西隔九重門

哭劉司戶二首

離居星歲易失望死生分酒甕凝餘桂書籤冷舊芸江
風吹雁急山木帶蟬嘯一叫千迴首天高不爲聞
有美扶皇運無誰薦直言已爲秦逐客復作楚冤魂溢
浦應分派荆江有會源并將淚恨淚一灑問乾坤

悼傷後赴東蜀辟至散關遇雪

劍外從軍遠無家與寄衣散關三尺雪回夢舊鴛機

樂遊原

向晚意不適驅車登古原夕陽無限好只是近黃昏

北齊二首

一笑相傾國便亡何勞荆棘始堪

一作悲

傷小憐玉體橫陳

夜已報周師入晉陽

巧笑知堪敵萬幾傾城最在著戎衣晉陽已陷休回顧
更請君王獵一圍

街西池館

白閣他年別朱門此夜過疎簾留月魄珍簟接煙波太
守三刀夢將軍一箭歌國租容客旅香熟玉山禾

南朝

玄武湖中玉漏催雞鳴埭口繡襦迴誰言瓊樹朝朝見
不及金蓮步步來敵國軍營漂木枿前朝神廟鎖煙煤

滿宮學士皆顏一作連色江令當年只費才

復京

德宗建中四年朱泚叛上如奉天興元元年李晟收復京城

虜騎胡兵一戰摧萬靈回首賀軒臺天教李令心如日
可要昭陵石馬來

渾河中

渾城與李晟同平朱泚德宗還宮以城爲河中尹

九廟無塵八馬回奉天城壘長春苔咸陽原上英雄骨
半向君家養馬來

鄂杜馬上念漢書

一云五陵懷古

世上蒼龍種人間武帝孫小來惟射獵興罷得乾坤渭
水天開苑咸陽地獻原英靈殊未已丁傳漸華軒

柳

動春何限葉城曉幾多枝解有相思苦應無不舞時絮
飛藏皓蝶帶弱露黃鸝傾國宜通體誰來一作來獨賞睂

巴江柳

巴江可惜柳柳色綠侵江好向金鑾殿移陰入綺窗

咸陽

咸陽宮闕鬱嵯峨六國樓臺豔綺羅自是當時天帝醉
不關秦帝有山河

同崔八詣藥山訪融禪師

共受征南不次恩報恩惟是有忘言巖花澗草西林路
未見高僧只見猿

聞著明凶問哭寄飛卿

昔歎讒銷骨今傷淚滿膺空餘雙玉劍無復一壺冰江

勢翻銀礫

一作漢

天文露玉繩何因推庾信同去哭徐陵

聽鼓

城頭疊鼓聲城下暮江清欲問漁陽慘時無禰正平

送崔珏往西川

年少因何有旅愁欲爲東下更西遊一條雪浪吼巫峽
千里火雲燒益州卜肆至今多寂寞酒壚從古擅風流
浣花牋紙桃花色好好題詩詠玉鉤

代贈

楊柳路盡處芙蓉湖上頭雖同錦步障獨映

一作應

鈿筵簇

鴛鴦可羨頭俱白飛去飛來煙雨秋

桂林

城窄山將壓江寬地共浮
東南通絕域西北有高樓
神護青楓岸龍移白石湫
殊鄉竟何禱簫鼓不曾休

夜雨寄北

君問歸期未有期巴山夜雨漲秋池
何當共剪西窗燭却話巴山夜雨時

陳後宮

茂苑城如畫闔門瓦欲流
還依水光殿更起月華樓
侵夜鸞開鏡迎冬雉獻裘
從臣皆半一作醉天子正無愁

屬疾

許靖猶羈宦安仁復悼亡
茲辰聊屬疾何日免殊方
秋

蝶無端麗寒花只暫一作香多情真命薄容易卽迴腸

石榴

榴枝婀娜榴實繁榴膜輕明榴子鮮可羨瑤池碧桃樹

碧桃

一作眉

紅顏一千年

明日

天上參旗過人間燭燄銷誰言整雙履便是隔三橋知
處黃金鑊一作曾來一作碧綺寮凭欄明日意池闌雨蕭蕭

飲席戲贈同舍

洞中展響省分攜不是花迷客自迷珠樹重行憐翡翠
玉樓雙舞羨鷗雞蘭迴舊蘂緣屏一作綠椒綴新香和壁
泥唱盡陽關無限疊半杯松葉凍頗黎